



Die ander Ionische Colim, welcher eigen-
schafft sich mit der Ionica on ein postement vergleycht,
wie darn in der figur weiter gesehen wirt.

Zum ersten sol je ganze höhe in 34. teil geteilt werden. Welcher
teil drey sol das postement hoch sein. Die übrigen drey teil in acht geteilt
ist ein teil das vnderfüßgesimps vnd ein teil das ober gesimps am postement
Die übrige sechs teil in drey geteilt, der selben drey teilen zwen ist die
breite des postements.

Darnach sollend die drey gesimps, auff der rechten seiten vñ ge-
machtet werden. Das vnderfüßgesimps werde zum ersten in drey teil ge-
teilt, der selben teilen einer ist die vnder füßblatten, vnderiner das larnich

auff der blatten geteilt in sechs teil, da ist
ein teil das klein blatt auff der grossen füßblat-
ten vnd einer das blatt auff dem larnich.
Das ubrig drittel sol in zwen gleiche teil
gemacht werden einen zum stab, vnd den
anderen zur lal. Den teil zur lal geteilt in
fünf teil, der selben einer ist das blatt vñ
der dem stab. Aber das teil zu dem stab ge-
teilt in drey teil einen zum blatt auff dem
stab, vnd zwen zum stab, ausgeladen an
der dute wie in der figur seht, vñ sein gan-
ze ausladung sey ein sechster teil von der
breite des postements.

Das obergesimps am postement sol
zum ersten in zwen teil geteilt werden.
Darnach teil das ober teil in drey teil zwen
zur blatten vnd einen zum larnich. Das
vnder teil in vier teil, drey zum larnich vnd
einer zur blatten vnder dem larnich. Der
selben vier teilen einer geteilt in zwen teil
ist einer das klein blatt auff dem larnich.
Das larnich mit sampt den zween blatt-
ten sol ein viertheil ausgeladen seyn. Die
ganz ausladung sol gemacht werden wie
von dem vnderen gesimps ist.

Das ander füßgesimps auff der linken
seiten sol zum ersten in drey teil gemacht
werden, der selben drey teil einer ist die vñ
der füßblatten. Die ubrigen zwen teil in
fünf teil geteilt, drey zum larnich vnd zwen
zum stab auff dem larnich. Das larnich
in 6 teil geteilt, der selben teil ein zum blatt
auff der füßblatten. Die zwen teil zum
stab geteilt in drey teil zwen zum stab auff
dem larnich vnd einen zum blatt auff
dem stab. Sein ausladung sol gemacht
werden wie in der figur seht. Das ober
gesimps werde ausgeleitet wie das andre
auff der rechten seiten.

Auff das postement sol der schaff ge-
setzt werden mit sampt dem schaffgesimps
Welcher dute also gemacht sol werden.
Zum ersten teil die ganze breite des poste-
ments in 22 teil. Der selbigen teilen 16 sol
die dute des schaffs seyn. Es bleybt auff
yeder seiten drey teil zu der dute des schaffs
gesimps.

Die höhe des schaffs, oder Colim, sol
also gemacht werden. Nimm die 36 teil der
dute des schaffs, vnd mach ein teil dar
aus. Der selbigen teil acht sol der schaff
mit dem schnördel vnd postement gesimps
hoch seyn.

Das gesimps auff dem postement sol
halb als breit seyn als dute des schaffs
ist. Sein ganze breite sol in drey teil geteilt
werden, vnd der selben teilen einer ist die
base oder vnder blatten auff dem postement.
Die ubrigen zwen teil geteilt in drey teil
ist ein teil der oberstab. Die anderen ubri-
gen zwen teil ein vñ der in sechs teil geteilt,
vnd zwen teil die mittel zwey stablein vnd
ein teil das blatt vnder dem oberen stab.
Aber das blatt auff der base oder vnder
ten blatten sol ein halber teil seyn von den
sechs teilen vnd das blatt auff den zwey
en stablen auch ein halber teil, ober das
vnder den zwey stablen ein ganzer teil.
Die blatten auff dem grossen stab sol also
gemacht werden. Teil die dute des schaffs
in 22 teil, der selben zwölf teilen ein halber
ist die breite vnd ausladung des blattlein.
Die ganz ausladung der güdren im ge-
simps sollend ausgeladen seyn wie in dem
grund des gesimps veyzeichnet mit H. gesehen
wird.

Die verfleinerung des schaffs sol ge-
macht werden wie in der ersten Ionica ge-
sagt ist, das seyn dazung ein zwölfften
teil auff yeder seiten seye.

Oben zu end des schaffs sol das capi-
tal oder schnördel gesetzt werden, welcher
teilung gemacht sol werden wie vor in der
ersten Ionica gesagt ist. Das die dute des
schaffs in 12 teil geteilt werde, vnd der sel-
ben teilen 10 oben beyder nördend brab ge-
setzt, das halb zum blatt auff dem larnich
einen zum larnich, zwen zur lal vnd

